



**ALUMNADO**  
**GUÍA RESUMO do protocolo de adaptación ao**  
**contexto da COVID-19 da**  
**Sección de Sar**  
**para o ano lectivo 2020-2021**

**MEDIDAS INDIVIDUAIS DE OBRIGADO  
CUMPRIMENTO**

- Todo o alumnado debe levar máscaras que cubran desde o nariz até ao queixo en todo momento.
- Respectarase en todo momento a distancia de seguridade, de polo menos 1,5 m, incluso na entrada e corredores, en todas as interaccións entre as persoas no centro educativo.
- Durante as sesións lectivas, cada alumno/a debe usar o seu propio material e non se permitirá partillalo con outros participantes.
- O alumnado debe reforzar as medidas de hixiene persoal, especialmente no referido ás mans:
  - despois de tocar secrecións respiratorias (esberrar, tusir, uso de panos) e/ou obxectos con posibilidade de estaren contaminados
  - cada vez que se use material compartido
  - á entrada e saída do centro
  - antes e despois do uso dos aseos
- Ao tusir ou esberrar débese tapar a boca e o nariz cun pano de papel que se desbotará nunha papeleira con tampa, ou ben facelo contra a flexura do cóbado e sempre afastándose do resto das persoas.
- Débese evitar tocar os ollos, o nariz e a boca.
- Non poderá haber manifestacións de cortesía ou afecto que impliquen contacto físico.

**MEDIDAS DE PROTECCIÓN COLECTIVA**

- O persoal docente e non docente e o alumnado do centro deberá realizar unha autoenquisa diaria de síntomas para comprobar, no caso de que os houber, que estes son compatíbeis cunha infección por SARSCoV-2 mediante a realización da enquisa de autoavaliación que se describe no Anexo I, que debe realizarse antes da chegada ao centro. En calquera caso, o primeiro día de clase todo o alumnado deberá entregar ao profesorado unha declaración responsábel segundo o Anexo II, requisito indispensable para poder incorporarse ao curso.
- No caso do alumnado, en caso de ter síntomas compatibles non asistirá ao centro e comunicará esta circunstancia por teléfono ao número: 881 867 162 ou ao **correo electrónico do profesor do grupo no que estea matriculado**. Pode consultar o correo electrónico do profesorado da sección de Sar [aquí](#)

## ENTRADAS E SAÍDAS DO EDIFICIO

- O obxectivo das seguintes medidas é que non se axunten grupos de persoas, tanto á entrada como á saída do centro, debendo en todo momento garantir as medidas de distanciamento físico interpersoal.
- Con carácter xeral, e salvo razóns xustificadas ou relacionadas con procesos administrativos ou cando a presenza sexa requirida polo propio centro, non se permite a entrada de acompañantes.

### ENTRADA

- O acceso ao centro realizarase pola **entrada principal do IES de Sar**. (para ver plano clique [aquí](#)).
- Haberá sinalización no chán que indica de xeito claro que o alumnado debe transitar polos corredores sempre pola súa dereita.
- O alumnado deberá informarse da aula que lle corresponde a través da páxina web da EOI de Santiago de Compostela. Recoméndase tamén consultar a ubicación das aulas antes de vir ao centro nos seguintes planos:  
Plano aulas planta baixa: clique [aquí](#).  
Plano aulas primeiro andar: clique [aquí](#).
- O alumnado entrará ao centro de un en un á hora de inicio da súa clase.
- Manterase en todo momento a distancia de seguridade de 1,5 m tanto durante o acceso ao centro, coma na circulación polos corredores cara as aulas.

### SAÍDA

- A saída do centro realizarase pola PORTA LATERAL do IES de Sar. (para ver plano clique [aquí](#))
- A saída debe ser ordeada e continua, de un en un, gardando a distancia de seguridade.
- Haberá unha alfombra desinfectante de pés nas portas de acceso ao centro educativo.
- En todas as entradas e saídas dispórase de dispensadores de xel hidroalcohólico.
- Os corredores non poden empregarse como lugar de agarda antes de entrar na aula, ou ao saír da mesma.

## CIRCULACIÓN POLO CENTRO

- Nos corredores estableceranse sentidos de circulación diferentes en ambas marxes do corredor, dividíndoos con fita plástica. Nos espazos comúns indícase o sentido da circulación, de forma individual e respectando a distancia de seguridade. Estas circunstancias están convenientemente sinalizadas mediante carteis ou dispositivos visuais, tanto no piso como nas paredes.

- O uso do ascensor quedará limitado ás persoas que o precisen por motivos de mobilidade que, en todo caso, deberán usar máscara.

## NAS AULAS

- Os postos escolares manterán unha distancia mínima de 1,5 metros respecto de todos os postos que o rodeen medidos dende o centro da cadeira.
- Os postos escolares estarán orientados nunha mesma dirección, estarán numerados, delimitados por marcas no piso e non se poderán mover
- O alumnado do grupo entrante deberá hixienizar as súas-mesas e cadeiras seguindo as indicacións do profesorado da aula.
- O alumnado non compartirá material de uso propio con ningún dos seus/súas compañeiros/as. Tamén non se usarán as perchas para a colgar as prendas de vestir; estas colocaranse na propia cadeira.
- Cando se use material susceptible de ser compartido é necesaria a hixiene de mans antes e despois de usar o material.
- As ventás, portas, persianas, contras, dispositivos de funcionamento da iluminación, os proxectores, e restantes ferramentas pedagóxicas serán unicamente usadas polo profesorado, coas medidas de seguridade e hixiene que procedan.
- Evitarase o desprazamento do alumnado da aula aínda que si se permitirá levantarse para realizar pequenos espreguizamentos ou exercicios posturais que non impliquen moverse do posto escolar.
- A saída da aula será ordenada e continua, de 1 en 1, respectando a distancia de seguridade, seguindo as indicacións do profesorado e persoal de conserxaría, evitándose a formación de aglomeracións de alumnado.
- Realizaranse tarefas de ventilación por espazo de polo menos 15 minutos antes do inicio da clase e, cando as condicións meteorolóxicas e do edificio o permitan, manteranse as xanelas abertas o maior tempo posíbel.
- Cando haxa clases consecutivas na mesma aula, o profesorado deberá ventilar a aula durante 15 minutos. No caso de ser necesario, o profesorado informará aos grupos afectados para que fagan a saída da aula 15 min antes da hora de finalización para poder realizar a ventilación da aula durante o tempo establecido antes da chegada do seguinte grupo.

## TITORÍAS

- As titorías faranse de forma telefónica, telemática ou por vídeo chamada, concertando cita a través do correo electrónico do profesorado.
- Os enderezos de correo electrónico do profesorado e as súas horas de titoría estarán dispoñíbeis na web do centro.
- De non ser posíbel realizar a titoría de xeito telefónico ou telemático, concertarase unha cita presencial nun espazo ventilado que garanta a separación mínima de 1,5 metros entre as persoas asistentes, previa cita e conformidade da xefatura de estudos.

## ILLAMENTO

- Diante dun suposto no que unha persoa ou alumno/a da que se sospeita que comeza a desenvolver síntomas compatíbeis con COVID-19 no centro educativo, as medidas de prevención e control levaranse a cabo por parte do SERGAS en base ao documento técnico elaborado pola Ponencia de Alertas y Planes de Preparación y Respuesta: "Guía de actuación ante la aparición de casos de COVID-19 en centros educativos", e das Instrucións publicadas o día 10 de setembro polo Ministerio de Sanidade. En virtude das mesmas:
- No caso do alumnado menor de idade, levarase a un espazo separado de uso individual, colocáraselle unha máscara cirúrxica (tanto ao que iniciou síntomas como á persoa que quede ao seu coidado de acordo coas pautas establecidas no ANEXO VI: MODELO DE DOCUMENTO "PLAN DE CONTINXENCIA DO CENTRO EDUCATIVO), e contactarase coa familia. O pai/nai ou o seu titor deberán chamar ao seu centro de saúde de Atención Primaria para solicitar consulta, ou ao teléfono de referencia do SERGAS e seguiranse as súas instrucións. En caso de presentar síntomas de gravidade ou dificultade respiratoria chamarase ao 061. De confirmarse o caso, o equipo Covid do centro educativo comunicará os datos do positivo ao centro de saúde de referencia e incluírá á rede de contactos a través da aplicación "EduCovid" para a identificación por parte da Autoridade Sanitaria.
- O/A traballador/a ou alumnado adulto que inicie síntomas abandonará o centro protexido por unha máscara cirúrxica e pedirá cita telefónica co seu/súa médico/a de atención primaria. De confirmarse o caso, o equipo Covid do centro educativo incluírá á rede de contactos a través da aplicación "EduCovid" para a identificación por parte da Autoridade Sanitaria.

# Enquisa de autoavaliación

Todo o alumnado e persoal do centro **realizará unha autoavaliación diaria** para comprobar que non existe síntomas de infección pola covid-19.



## PERSOAL DOS CENTROS

O resultado da enquisa **NON** ten que comunicarse cada día aos centros educativos, senón que o afectado debера seguir o protocolo oportuno en caso de detectar síntomas.

### Protocolo a seguir polo persoal en caso de detectar un ou máis síntomas:

- 1 **Non acudir** ao centro educativo
- 2 **Comunicar os síntomas** ao servizo sanitario de
- 3 Comunicar a situación ao **equipo covid** do seu centro educativo.
- 4 De forma preventiva, debe manterse en **illamento domiciliario**, ata que os facultativos correspondentes dean as indicacións oportunas



## ALUMNADO

O resultado da enquisa **NON** ten que comunicarse cada día aos centros educativos, senón que o afectado debера seguir o protocolo oportuno en caso de detectar síntomas.

### Protocolo a seguir polo alumno (ou pais/nais ou titores/as legais) en caso de detectar un ou máis síntomas:

- 1 **Non acudir** ao centro educativo
- 2 **Comunicar os síntomas** ao servizo sanitario de
- 3 **Comunicar ao centro a ausencia do alumno** (non é necesario certificado médico, so xustificante dos pais. Non computará como falta)
- 4 De forma preventiva, debe manterse ao alumno en **illamento domiciliario**, ata que os facultativos dean as indicacións oportunas.

# Enquisa de autoavaliación



## PRESENTOU NAS ÚLTIMAS DÚAS SEMANAS?

### SÍNTOMAS RESPIRATORIOS?



Febre maior de 37,5 °C

Tose seca

Dificultade respiratoria

### OUTROS SÍNTOMAS?



Fatiga severa (cansazo)

Dor muscular

Falta de olfacto

Falta de gusto

Diarrea



## TEN ACTUALMENTE ALGÚN DOS SÍNTOMAS?

Sinalar cales e cando comezaron

---

---



## TIVO CONTACTO NAS ÚLTIMAS 2 SEMANAS?



Cunha persoa covid-19 + confirmado

Cunha persoa en illamento por sospeita de infección pola covid 19



## CONVIVIU NAS ÚLTIMAS 2 SEMANAS?



Cunha persoa covid-19 + confirmado

Cunha persoa en illamento por sospeita de infección pola covid 19

## ANEXO II

### DECLARACIÓN RESPONSÁBEL ALUMNADO ADULTO

D./D<sup>a</sup> \_\_\_\_\_

\_\_\_\_\_, con documento de identidade nº \_\_\_\_\_,  
matriculado /a no grupo \_\_\_\_\_, idioma \_\_\_\_\_  
da Escola Oficial de Idiomas de Santiago de Compostela

#### DECLARA RESPONSABILMENTE

Que realizará a diario a Enquisa de Autoavaliación clínica da COVID e que se compromete a NON acudir ao centro e manterse en illamento preventivo domiciliario nos seguintes supostos:

- Se tiver síntomas compatibles coa COVID -19. Poñerase en contacto co seu médico e con algunha das persoas membros do equipo COVID do centro educativo.
- Se convivir cunha persoa cun diagnóstico positivo da COVID-19

\_\_\_\_\_, \_\_\_\_ de \_\_\_\_\_ de 2020

ASDO. \_\_\_\_\_

## ANEXO II

### DECLARACIÓN RESPONSÁBEL MENORES DE IDADE

D./D<sup>a</sup>

\_\_\_\_\_, con  
documento de identidade número \_\_\_\_\_, como  
pai/nai/titor \_\_\_\_\_ legal \_\_\_\_\_ do  
alumno/a \_\_\_\_\_  
matriculado /a no grupo \_\_\_\_\_, idioma \_\_\_\_\_  
da Escola Oficial de Idiomas de Santiago de Compostela

#### DECLARA RESPONSABILMENTE

Que realizará ao alumno/a a diario a Enquisa de Autoavaliación clínica da COVID e que se compromete a NON o enviar ao centro e a o manter en illamento preventivo domiciliario nos seguintes supostos:

-Se tiver síntomas compatibles coa COVID -19. Poñerase en contacto co seu médico e con algunha das persoas membros do equipo COVID do centro educativo.

- Se convivir cunha persoa cun diagnóstico positivo da COVID-19

\_\_\_\_\_ de \_\_\_\_\_ de 2020

Asdo \_\_\_\_\_